

唐詩品類

五言絕句
自五至八

柳田文庫

文庫11

D 169

2

60

55

50

文庫 11
D 169
2



010190554878

五言絕句卷之五 唐詩品彙四十

新寧 高棟 編次

接武

皇甫曾

送王司直



西塞雲山遠東風道路長人心勝潮
水相送過潯陽

山下泉

品彙五絕卷之五

嵩山房

漾漾帶山光澄澄倒林影那知石上
喧却憶山中靜

劉方平

採蓮曲

落日清江裏荆歌艷楚腰採蓮從尔
慣十五卽乘潮

長信宮

夢裏君王近宮中河漢高秋風能再

熱團扇不辭勞

朱放

銅雀妓

恨唱歌聲咽愁翻舞袖遲西陵日欲
暮是妾斷腸時

題竹林寺

歲月人間促烟霞此地多慙慙竹林
寺更得幾回過

李嘉祐

春日歸家

自覺勞鄉夢，無人見客心。
空餘庭草色，日日伴愁襟。

白鷺

江南綠水多，顧影逗輕波。
終日秦雲裏，山高柰若何。

張起

春情

畫閣餘寒在，新年舊燕歸。
梅花猶帶雪，未得試春衣。

郎士元

山中即事

入谷多春興，乘舟棹碧潯。
山雲昨夜雨，溪水曉來深。

韓翃

漢宮曲二首

駿馬綉障泥紅塵撲四蹄歸時何太
晚日照杏花西
繡幙珊瑚鉤春闌翡翠樓深情不肯
道嬌倚鈿篋篋

耿漳

長門怨

聞道昭陽燕懶蛾落葉中清歌逐寒

月遙夜入深宮

秋日

返照入閭巷憂來誰共語古道少人
行秋風動禾黍

秋夜

高秋夜分後遠客鴈來時寂寂重門
掩無人問所思

盧綸

和張僕射塞下曲六首

鷲翎金僕姑，燕尾繡螭弧。
獨立揚新令，千營共一呼。
林暗草驚風，將軍夜引弓。
平明尋白羽，沒在石稜中。

月黑鴈飛高，單于遠遁逃。
欲將輕騎逐，大雪滿弓刀。

野曠蔽瓊筵，羌戎賀勞旋。
醉和金甲舞，醉殺朔風天。

舞雷鼓動山川

調箭又呼鷹，僕聞出世能奔狐。
將近

雉掃盡古丘陵

亭亭七葉貴，蕩蕩一隅清。
他日題麟閣，唯應獨不名。

長門怨

空宮古廊殿，寒月落斜輝。
卧聽未央曲，滿箱歌舞衣。

李端

拜新月

開簾見新月，即便下階拜。
細語人不聞，北風吹裙帶。

蕪城懷古

風吹城上樹，草沒城邊路。
城裏月明時，精靈自來去。

送人下第

獻策未得意，馳車東出秦。
暮年千里客，落日萬家春。

晦日遊曲江

晦日同攜手，臨流一望春。
可憐楊柳陌，愁殺故鄉人。

溪行逢雨與柳仲庸

日落衆山昏，蕭蕭暮雨繁。
那堪兩處宿，共聽一聲猿。

鳴箏

鳴箏金粟柱素手玉房前欲得周郎顧時時誤拂絃

司空曙

金陵懷古

輦路江楓暗宮庭野草春傷心庾開府老作北朝臣

玩花與衛象同醉英華作衛長林

衰鬢千莖雪他鄉一樹花今朝與君醉忘却在長沙

寒塘

曉髮梳臨水寒塘坐見秋鄉心正無限一鴈渡南樓

晚思

蛩吟窗下月草濕階前露晚景淒我衣秋風入庭樹

別張讚

今日山晴後殘蟬菊發時登樓見秋色何處最相思

別盧秦卿

知有前期在難分此夜中無將故人酒不及石充風

洪容齋五筆云石充風不知其義意其為打頭逆風也唐人詩多好用之陳子昂入峽苦風詩云故鄉今日友歡會坐應同寧知巴峽路辛苦石充風戴叔倫送裴明府云知君未得去慚愧

石充風司空文明又云不及石充風計南朝篇詠必多用之未暇億也

長相思

遼陽望河縣白首無由見海上珊瑚枝年年寄春燕

顧況

憶番陽舊遊

悠悠南國思夜向江南泊楚客斷腸

品彙五經卷之五
時月明楓子落

丘丹

荅韋蘇州

露滴梧葉鳴秋風
桂花發中有學仙
人吹簫弄山月

聽江笛送陸侍御

離樽聞夜笛
寒燾入寒城
月落車馬散
悽惻主人情

戎昱

別離作

一作戴叔倫詩

手把杏花枝
未曾經別離
黃昏掩門後
寂寞心自知

暢當

別盧綸

故交君獨在
又欲與君離
我有新愁淚
非關秋氣悲

雀
作鵲

登鶴雀樓

回臨飛鳥上高出世塵間天勢圍平野
河流入斷山

宿潭上

夜潭有仙舸與月當水中佳賓愛明月
遊子驚秋風

李益

鷓鴣詞

湘江斑竹枝錦翅鷓鴣飛處處湘雲
合郎從何處歸

幽州

征戍在桑乾年年薊水寒慙慙驛西
路此去向長安

代人乞花

綉戶朝眠起開簾滿地花春風解人
意吹落妾西家

五言

下

感懷問氣集作張繼詩

調與時人背，心將靜者論。終年帝城裏，不識五侯門。

贈盧綸

世故中年別，餘生此會同。却將悲與病，獨對朗陵翁。

盧和詩

戚戚一西東，十年今始同。可憐風雨

夜相對，兩衰翁。容齋隨筆云：二詩讀之使人悽然，皆奇作也。

戴叔倫

關山月

月出照關山，秋風人未還。清光無遠近，鄉淚半書間。

容州回一首送陸三

西南積水遠，老病喜生歸。此地故人別，空餘淚滿衣。

三閭廟

一作儲
光羲詩

沉湘流不盡屈子怨何深日暮秋風
起蕭蕭楓樹林

遊道林寺

佳山路不遠俗侶到常稀及此烟霞
暮相看復欲歸

贈李山人

唐

此意無所欲開門風景遲柳條將白

髮相對共垂絲

夏夜江樓會別

不作十日別煩君此相雷雨餘江上
月好醉竹間樓

柳談

江行

繁陰乍隱舟落葉初飛浦蕭蕭楚客
帆日暮寒江雨

楊子途中

楚塞望蒼然，寒林古戍邊。
秋風人渡水，落日鴈飛天。

劉商

古意

達曙寢衣冷，開門霜雪凝。
風吹昨夜淚，一片枕前冰。

登相國寺閣

晴日登臨好，春風各望家。
垂楊夾城路，客思逐楊花。

雍裕之

自君之出矣

自君之出矣，寶鏡為誰明。
思君如隴水，長聞嗚咽聲。

楊衡

題花樹

品彙五經卷之五
都無看花意偶到樹邊來
劉須溪云
來得慘淡
可憐枝上色一一為愁開

張仲素

宮中樂

月彩浮鸞殿砧聲隔鳳樓
笙歌臨水檻紅燭乍迎秋

春江曲

搖漾越江春相將採白蘋
歸時不覺

夜出浦月隨人

春閨

裊裊城邊柳青青陌上桑
提籠忘採葉昨夜夢漁陽

令狐楚

宮中樂三首

月上宮花靜烟含苑樹深
銀臺門已閉仙漏夜沈沈

九重青瑣闥百尺碧雲樓明月秋風
夜珠簾上玉鉤

楚塞金陵靖巴山玉壘空萬方無一
事端拱大明宮

從軍行二首

孤心眠夜雪滿眼是胡沙萬里猶防
塞三年不見家

胡風千里驚漢月五更明縱有還家

夢猶聞出塞聲

思君恩二首

小苑鶯歌歇長門蝶舞多眼看春又
去翠輦不曾過

紫禁香如霧青天月似霜雲韶何處
奏只是在昭陽

長相思

幾度春眠覺紗窗曉望迷朦朦殘夢

裏猶自在遼西

遊春詞

閭闔春風起蓬萊臘雪消相將折楊柳爭取最長條

于鵠

古挽歌

陰風吹黃蒿挽歌渡秋水車馬却歸

城孤墳明月裏

五言絕句卷之五
唐詩品彙四十二

五言絕句卷之六

唐詩品彙四十一

新寧 高棟 編次

接武下

韓愈

青青水中蒲三首

青青水中蒲下有一雙魚君今上隴

去我在與誰居

青青水中蒲長在水中居寄語浮萍

草相隨我不如

青青水中蒲葉短不出水婦人不下
堂行子在萬里

把酒

擾擾馳名者誰能一日閒我來無伴
侶把酒對南山

贈同遊

喚起窻全曙催歸日未西無心花裏

鳥更與盡情啼

北樓

郡樓乘曉上盡日不能回晚色將秋
至長風送月來

花鳥

蜂蝶去紛紛香風隔岸聞欲知花鳥
處水上覓紅雲

柳宗元

江雪

千山鳥飛絕，萬徑人蹤滅。孤舟蓑笠

翁獨釣寒江雪。劉云：得天趣，自由。落句五字，道盡矣。

登柳州峨山

荒山秋日午，獨上意悠悠。如何望鄉

處，西北是融州。劉云：漸近自然。

零陵早春

問春從此去，幾日到秦原。憑寄還鄉

夢，慇懃入故園。劉云：皆自精切。

長沙驛前南樓感舊。公自注云：昔與德公

別於此海鶴指德公

海鶴一為別，存亡三十秋。今來數行

淚，獨上驛南樓。

入黃溪聞猿州。在永

溪路千里曲，哀猿何處鳴。孤臣淚已

盡，虛作斷腸聲。

五

再上湘江

好在湘江水，今朝又上來。不知從此去，更遣幾年回。

劉禹錫

古調

軒后初冠冕，前旒為蔽明。安知從複道，然後見人情。

秋風引

何處秋風至，蕭蕭送鴈群。朝來入庭樹，孤客最先聞。

視刀鏤歌

常恨言語淺，不如人意深。今朝兩相視，脉脉萬重心。

九日登高

世路山河險，君門烟霧深。年年上高處，未省不傷心。

甘棠館

公館似仙家池清竹徑斜山禽忽驚起衝落半巖花

別蘇州

流水昌門外秋風吹柳條從來送客處今日白魂銷

飲酒看牡丹

今日花前飲甘心醉數杯但愁花有

語不為老人開

經檀道濟故壘

萬里長城境荒營野草秋秣陵多士女猶唱白符鳩南史云當時人歌曰可憐白符鳩枉殺檀

州

權德輿

玉臺體三首

秋風一夜至吹盡後庭花莫作經時

別西隣是宋家

昨夜裙帶解，今朝蟬子飛。
鉛華不可棄，莫是藁砧歸。

萬里人行至深閨，夜未眠，雙眉燈下掃，不待鏡臺前。

嶺上逢久別者，又別

十年曾別征旆，此相逢，馬首向何處。
如陽千萬峯。

江行晚詠

古樹夕陽盡，空江暮靄收。
寂寞扣舷坐，獨生千載愁。

江行夜詠

猿聲到枕上，愁夢紛難理。
寂寂深夜寒，清霜落秋水。

曉

曉風搖五兩，殘月映石壁。
稍稍曙光

開片帆在空碧

張籍

野田

漠漠野田草草中牛羊道古墓無子

孫白楊不得老劉須溪云賴挫

岸花

可憐岸邊樹紅蕊發青條東風吹渡

水衝著木蘭橈劉云好不興

涇州塞

行到涇州塞唯聞羌戍聲道邊雙古
埃猶記向安西

寄西峯僧

松暗水涓涓夜涼人未眠西峯月猶
在遙憶草堂前

題暉禪師影堂

早日欲參禪竟無相識緣道場今獨

到惆悵影堂前

梅溪

自愛新梅好行尋一徑斜不教人掃
石恐損落來花

宿雲亭

清淨當深處虛明向遠開捲簾無俗
客應只見雲來

王建

故行宮

一作元
稹詩

寥落古行宮宮花寂寞紅白頭宮女
在閒坐說玄宗

早發汾南

橋上車馬發橋南烟樹開青山斜不
斷迢迢故鄉來

田家

啾啾雀滿樹霽霽東陂雨田家無夜

食水中摘禾黍

新嫁娘

三日入厨下洗手作羹湯未諳姑食性先遣小姑嘗

武元衡

夏夜作

夜久喧暫息池臺惟月明無因駐清景日出事還生劉云此詩有識

途中即事

南征復止還擾擾白羊間自笑紅塵裏生涯不覺閒

春日偶作

縱橫桃李枝澹蕩春風吹美人歌白紵萬恨在蛾眉

元稹

感事

富貴年皆長風塵舊轉稀白頭方見
絕遙爲一沾衣

夏陽亭臨望

望遠音書絕臨行意緒長慙慙眼前
水千里到河陽

西還

悠悠洛陽夢鬱鬱灞陵樹落日正西
歸逢君又東去

白居易

閨怨詞

珠箔籠寒月紗窗背曉燈夜來巾上
淚一半是春水

問淮水

所嗟名利客擾擾在人間何事長淮
水東流亦不聞

出關路

品彙五經卷之六
山川函谷路塵土遊子顏蕭條去國
意秋風生故關

江樓聞砧

江南授衣晚十月始聞砧一夕高樓
上故園千里心

宋王涯

閨人贈遠四首

遠戍功名薄深閨年貌傷粧成對春

樹不語淚千行

鶯啼綠樹深燕語雕梁晚不省出門
行沙場知近遠

形影相別烟波千里分君看
望君處只是起行雲

花明綺陌春柳拂御溝新爲報遼陽
客流光不待人

李德裕

品彙五經卷之六

五

題羅浮石

清景持芳菊涼天倚茂松
名山河必去此地有群峯

嶺外守歲

冬逐更籌盡春隨斗柄迴
寒暄一夜隔容髯兩年催

李賀

京城

驅馬出門意窄落長安心
兩事向誰道自作秋風吟

代崔家送客

行蓋柳烟下馬蹄白翩翩
恐隨行處盡何忍重揚鞭

情語好

呂溫

鞏路感懷

馬嘶白日暮劍鳴秋氣來
我心渺無

際河上空徘徊

衡州早春

病肺不飲酒傷心不著花唯驚望鄉
處猶自隔長沙

盧仝

寄外兄

何處堪惆悵情親不得親興寧樓上
月辜負酒家春

壬申新月

仙宮雲箔卷露出玉簾鈎清光無所
贈相憶鳳凰樓

孟郊

歸信吟

淚墨酒為書將寄萬里親書去魂亦
去兀然空一身

古別離

欲別牽郎衣郎今到何處不恨歸來
遲莫向臨邛去

古怨

試妾與君淚兩處滴池水看取芙蓉
花今年為誰死

閨怨

妾恨比斑竹下盤煩冤根有笋未出
土中已含淚痕

劉云
近

送柳渚

青山臨黃河下有長安道世上名利
人相逢不知老

河上思歸

獨訪千里信回臨千里河家在吳楚
鄉淚寄東南波

賈島

劍客

十年磨一劍霜刃未曾試今日把似君誰有不平事

尋隱者不遇唐音作孫華訪羊尊師

松下問童子言師採藥去只在此山中雲深不知處

裴度

溪居

門迳俯清溪茆簷古木齊紅塵飛不

到時有水禽啼

張碧

幽思

金爐烟靄微銀缸殘影滅出戶獨徘徊落花滿明月

張祐

昭君怨

萬里邊城遠千山行路難舉頭惟見

日何處是長安

思歸樂

萬里春歸盡，三江鴈亦稀。連天漢水廣，孤客未言歸。

穆護砂

玉管朝朝弄，清歌日日新。折花當驛路，寄與隴頭人。

金殿樂

入夜秋砧動，千聲起四隣。不緣樓上月，應為隴頭人。

墻頭花

蟋蟀鳴洞房，梧桐落金井。為君裁舞衣，天寒剪刀冷。

宮詞

故國三千里，深宮二十年。一聲河滿子，雙淚落君前。

樂府新題云河滿子開元中滄洲歌者臨

刑進此曲以贖死竟不得免

夕次竟陵

南風吹五兩日暮竟陵城腸斷巴江月夜蟬何處聲

施肩吾

古曲

可憐江北女慣唱江南曲搖蕩木蘭舟雙鳧不成浴

幼女詞

幼女纔六歲未知巧與拙向夜在堂前學人拜新月

文宗皇帝

宮中題

太和九年誅王涯鄭注後仇士良專權上每登臨遊幸往往獨語左右莫敢進問因賦此詩

輦路生秋草上林花滿枝憑高何限意無復侍臣知

五言絕句卷之六 唐詩品彙 四十

太宗皇帝

前學人似陳氏

以文辭六歲未賦詩與蘇尚書同登

五言絕句卷之七 唐詩品彙 四十
新寧 高棟 編次

餘響

李商隱

登樂遊原

向晚意不適 驅車登古原 夕陽無限好 只是近黃昏

楊誠齋云此詩憂唐祚將衰也

悼傷後赴東蜀辟至散關遇雪

劍外從軍遠無家與寄衣散關三尺
雪回夢舊鴛鴦機

滯雨

滯雨長安夜殘燈獨客愁故鄉雲水
地歸夢不宜秋

早起

風露澹清晨簾間獨起人鳥啼花又
笑畢竟是誰春

杜牧

長安秋望

樓倚霜樹外鏡天無一毫南山與秋
色氣勢兩相高

歸家

稚子牽衣問歸來何太遲共誰爭歲
月贏得鬢成絲

許渾

品彙 卷之三

塞下曲

夜戰桑乾北秦兵半不歸朝來有鄉
信猶自寄征衣

送客南歸

野寺薜蘿晚官渠楊柳春歸心已無
限更送洞庭人

長安早春懷江南

雲月有歸處故山清洛南如何一花

發春夢徧江潭

溫庭筠

碧湖驛曉思

香燈伴殘夢楚國在天涯月落子規
歌滿庭山杏花

客愁

客愁看柳色日日逐春深蕩漾春風
裏誰知歷亂心

品彙 卷之三

品集五絕卷之三
桂州經佳人故居一作李

桂水依舊綠佳人今不還
祗應隨暮

雨飛入九疑山

馬戴

秋思

萬木秋霖後孤山夕照餘
田園無歲計寒近憶樵漁

江中遇客

危石江中起孤雲嶺上還
相逢皆得意何處是鄉關

雍陶

春懷舊遊

吟想舊經過花時奈遠何
別離長似見春夢入關多

陳陶

續古

長沙采芳客桂棹木蘭船日晚欲有
待徘徊春風前

項斯

江村夜泊

日落江路黑前村人語稀
幾家深樹裏一火照船歸

于武陵

高樓

遠天明月出照此誰家樓
上有羅衣裳涼風吹不休

勸酒

勸君金屈卮滿酌不須辭
花發多風雨人生足別離

長春宮

莫問古宮名古宮空古城
唯應東去水不改舊時聲

李羣玉

古詞

一合相思淚臨江灑素秋碧波如會
意却與向西流

寄韋秀才

荆臺蘭渚客寥落共含情空館相思
夜孤燈照雨聲

劉金鵞

牧童

牧童見客拜山菓懷中落晝日驅牛
歸前溪風雨惡

聶夷中

烏夜啼

衆鳥各歸枝烏烏爾不棲還應知妾
恨故向綠窻啼

儲嗣宗

城城

百戰未言非孤軍驚夜圍山河意氣
盡淚濺笑人衣

登蕪城

昔人登此地丘壠已前悲今日又非
昔春風能幾時

于瀆

青樓曲

青樓臨大道二上二一回老所思終不
來極自傷春草

陸龜蒙

洞房怨

玉桃朝插髻金梯晚下臺春衫將別
淚一夜兩難裁

花成子

春風等君意亦解欺桃李寫得去時

品彙五經卷之七

容歸來不相似

東飛鳧

裁得尺錦書欲寄東飛鳧翅短脰亦短雌雄戀菰蒲

唐彦謙

小院

小院無人夜烟斜月轉明清宵易惆悵不必有離情

羅鄴

秋別

別路悲楊柳秋風淒管絃青樓君去後明月為誰圓

崔魯

三月晦日送客

野酌亂無巡送君兼送春明年春色至莫作未歸人

品彙五經卷之三

司空圖

古樂府

一葉隨西風君行亦向東知妾飛書
意無勞待早鴻

樂府

寶馬跋塵光雙馳照路傍喧傳報戚
里明日幸長楊

歲盡

莫話傷心事投春浦髮霜慙慙共尊
酒今歲只殘陽

牛頭寺

終南最佳處禪誦出青霄群木澄幽
寂疎烟泛沈寥

崔道融

班婕妤

寵極辭同輦恩深棄後宮自題秋扇

後不敢怨春風

銅雀妓

歌咽新翻曲香消舊賜衣
陵園風雨暗不見六龍歸

漢宮詞

獨詔胡衣出天花落殿堂
他人不敢妬垂淚向君王

長門怨

長門春欲盡明月照花枝
買得相如賦君恩不可移

春閨

寒食月明雨落花香滿泥
佳人持錦字無鴈寄遼西

歸燕

海燕頻來去西人獨滯留
天邊又相送腸斷故園秋

夜泊九江

夜泊江門外歡聲月下樓明朝歸去
路猶隔洞庭秋

韓偓

效崔國輔體三首

淡月照中庭海棠花自落獨立俯聞
階風動秋千索

羅幕生春寒綉窓愁未眠南湖夜來

雨應濕採蓮船

雨後碧苔院霜來紅葉樓間階上斜

日鸚鵡伴人愁

武瓘唐末人為益陽令或云杜荀鶴

感事

花開蝶滿枝花謝蝶還稀唯有舊巢
燕主人貧亦歸

曹鄴

庭草

庭草根自淺造化無遺功低回一寸心不敢怨春風

薛瑩

秋日湖心

落日五湖遊烟波處處愁浮沈千古事誰與問東流

五言絕句卷之七

唐詩品彙

五言絕句卷之八

唐詩品彙

新寧

高棟

編次

傍流

有姓氏無字里世次可考者五人

荆叔

題慈恩塔

容齋五筆云慈恩塔有荆叔一絕字極小

而端致最為感人其詞旨意高遠不知為何時人必唐世詩流所作也

品彙五經卷之六
漢國山河在秦陵草樹深暮雲千里
色無處不傷心

李牧

幽情

幽人惜春暮潭上折芳草佳期何時
還欲寄千里道

張元宗

元作元

登景雲寺閣

胡馬飲河路我家從此遷今來獨垂
淚三十六峯前

潘佐

送人往宣城

江畔送行人千山生暮氛謝安團扇
上爲畫敬亭雲

張顛

清溪泛舟

旅人倚征棹薄暮起勞歌笑攬清溪
月清輝不厭多

無姓氏三人

樂府中樂府為西京蓋嘉運開元年

伊州歌二首此又見沈佺期集中律詩

聞道黃花成頻年不解兵可憐閨裏
月偏照漢家營

又諸家選本以此篇作伊州歌按郭君茂倩樂府集無此篇

未知孰是

打起黃鶯兒莫教枝上啼啼時驚妾

夢不劉須溪云恨恨無極得到遼西○

緊作詩從首至尾語輒聯屬如

陸州歌第三

香氣傳空滿粧花映泊紅歌聲天仗
外舞態御樓中

排遍第一

品彙五經卷之六
樹發花如錦鶯啼柳若絲更逢歡燕
地愁見別離時

第三

坐對銀缸曉停流玉筋痕君門常不
見無處謝前恩

西鄙人

哥舒歌

北斗七星高哥舒夜帶刀至今窺牧

馬不敢過臨洮

太上隱者

谷人

偶來松樹下高枕石頭眠山中無曆
日寒盡不知年

羽士一人

吳筠

題華山人所居

故人住南郭邀我對芳樽
歡暢日亦暮不知城市喧

別章叟

平昔同邑里經年不相思
今日成遠

別相對心淒其

衲子五人

皎然

待山月

夜夜憶故人長教山月待
今宵故人至山月知何在

湖南蘭若

未到無爲岸空憐不繫舟
東山白雲意歲晚尚悠悠

法華寺望高峯贈如獻上人

峰色秋天見松聲靜夜聞
影孤長不在行道入深雲

酬李紆補闕

不往東山寺雲泉處處行近臣那得
識禪客本無名

靈徹

遠公墓

古基石稜稜寒雲晚景凝空悲虎溪
月不見鴈門僧

貫休

姓姜字德遠鍾陵人蘭溪
和安寺賜紫禪月大師

月夕

霜月夜徘徊樓中老管催曉風吹不
盡江上落殘梅

脩睦

懷故園

故園歸未得此日意何傷獨坐水邊
草水流春日長

子蘭

城上吟

古塚密於草新墳侵古道城外無閒
地城中人又老

宮闈

韓氏

題紅葉

詩話云盧倕舍人應舉
京師偶臨御溝見一紅
葉上有詩云盧得之藏於中
葉及官宗有肯出官人許其從
人盧獲其人觀紅葉吁怨久
之日當時偶題君乃得之

流水何太急深官盡日閒慙慙謝紅
葉好去到人間

七歲女子

武后時

送兄

唐史遺事云如意中有七
歲女子能詩天后令賦別
兄詩應聲而

別路雲初起離亭葉正飛所嗟人異
鴈不作一行歸

湘驛女子

題玉泉溪

紅葉醉秋色碧溪彈夜絃佳期不可
再風雨杳如年

侯夫人

自感

粧成多自恨夢好却成悲不及楊花
意春來到處飛

郎大家

采桑

春來南鴈歸日去西蟄蟲遠妾思紛何
極容遊殊未返

劉采春

囉噴曲五首

不喜秦淮水生憎江上船載兒夫婿
去經歲又經年

借問東園柳枯來得幾年自無枝葉

分莫怨太陽偏

莫作商人婦金釵當下錢朝朝江口

望錯認幾人船

那年離別日只道往桐廬桐廬人不

見今得廣州書

昨日勝今日今年老去年黃河清有

日白髮黑無緣

崔氏女

明月三五夜

待月西廂下迎風戶半開拂墻花影

動疑是故人來ルカト

薛濤

春望詞

花開不同賞花落不同悲欲問相思

處花開花落時

六言附

李景伯

回波樂

郭茂倩樂府云商調也唐中宗時造蓋出於

曲水引流泛觴也○燕羣臣皆

歌回波樂撰辭起舞時尤全復

以罪流嶺表恩還舊官而未復

朱紱宗期乃歌回波樂詞以見

意中宗即以紉魚賜之自是多

求遷擢○唐書云景龍中宗

燕侍臣酒酣令各為回波樂衆

皆為詔倂之辭及自榮位次

至諫議大夫李景伯乃榮此篇

其有規諷

後為舞曲

回波爾時酒卮微臣職在箴規侍燕
既過三爵誼諱竊恐非儀

張說

破陳樂

六言八句○樂苑曰商

宗又作曲也○破陳

漢兵出頓金微照日明光鐵衣百里

火幡焰焰千行雲騎駢駢感踏遼河

自竭鼓譟燕山可飛正屬四方朝賀

端知萬舞皇威

王維

田園樂五首

採菱渡頭風急策杖村西日斜杏樹
壇邊漁父桃花源裏人家

淒淒芳草春綠落落長松夏寒牛羊
自歸村巷童稚不識衣冠

山下孤烟遠村天邊獨樹高原一瓢

顏回陋巷五柳先生對門

酌酒會臨泉水把琴好倚長松南園

露葵朝折西舍黃梁夜春

桃紅復含宿雨柳綠更帶朝烟花落

家僮未掃鳥啼山客猶眠桃溪紅梅

綠花勝此老傲睨閑適於其間

劉長卿

尋張逸人山居

危石纔通鳥道空山更有_二人家桃源
定在_一深處澗水浮來落花

送陸澧還吳中

瓜步寒潮送客楊柳暮雨沾衣故山
南望何處秋草連天獨歸

發越州赴潤州使院畱別鮑侍

御

對水看山別離孤舟日暮行遲江北

江南春草獨向金陵去時

茗溪洲梁耿別後見寄_六句

清川永路何極落日孤舟解攜鳥向
平蕪遠近人隨流水東西白雲千里
萬里明月前溪後溪惆悵長沙謫去
江潭芳草萋萋

張繼

奉寄皇甫補闕冉

京口情人別久揚州估客來疎潮至
潯陽回去相思何處通書

皇甫冉

送鄭二之茅山

水流絕澗終日草長深山暮春犬吠
鷄鳴幾處條桑種杏何人

小江懷靈一上人

江上年年春草津頭日日人行借問

山陰遠近猶聞薄暮鐘聲

問李二司直所居雲山

門外水流何處天邊樹遶誰家山色

東西多少朝朝幾度雲遮洪容齋三筆云皇甫

冉集中所載張繼奉寄六言詩一
首冉酬之而序曰懿孫予之舊好
祇役武員有六言詩見憶今冉之
言裁答蓋拙於事者繁而費冉之
意以六言難工故衍為七言答之
然自又有小江懷靈一上人等三
篇皆清絕句得畫非拙而不能也予
編唐人絕句得畫非拙而不能也予

五言二千五百首合為萬首而
六言不滿四十信乎其難也
韓翃

宿甌山

山中今夜何人門下當年近臣青瑣
應須早去白雲何用相親

別甌山

一身趨待丹墀西路翩翩去時惆悵
青山綠水何年更是來期

送陳明府赴淮南六言

年華近過清明落日微風送行黃鳥
綿蠻芳樹紫驪躑躅東城花間一盃
促膝烟外千里含情應渡淮南信宿
諸侯擁旆相迎

盧綸

送萬臣六言

把酒留君聽琴誰堪歲暮離心霜葉

無風自落秋雲不雨空陰人愁荒村
路細馬怯寒溪水深望盡青山獨立
更知何處相尋

顧況

歸山

心事數莖白髮生涯一片青山空林
有雪相待古道無入獨還

王建

宮中三臺

池北池南草綠殿前殿後花紅天子
千秋萬歲未央明月清風

江南三臺

青草湖邊草色飛後嶺上後聲萬里
湘江客到有風有雨人行

劉禹錫

荅樂天臨都驛見贈

北固山邊波浪東
都城裏風塵世事
不同心事新人何似故人

周賀

送李億東歸

六言八句

黃山遠隔秦樹紫
禁斜通渭城別路
青青柳發前溪漠
漠花生和風澹蕩
歸客落日慙慙早
鷺瀟上金罇未飲

讌歌已有餘聲

五言絕句卷之八
唐詩品彙四十五終

